

河南全省地理擇要

人物附

河南直隸地理釋覽

後附人物

光緒丙午刊於

古鄴留香書屋

河南全省地理擇要目次

卷一

輿圖

卷二

沿革

疆域

形勢

山川

險要

卷三

目次

開封府屬

州二 縣十四

陳州府屬

縣七

許州府屬

縣四

歸德府屬

州一 縣七

彰德府屬

縣七

衛輝府屬

縣九

懷慶府屬

縣八

河南府屬

縣十

陝州府屬

縣三

南陽府屬

州二 縣十 廳一



汝寧府屬 州一 縣八

光州屬 縣四

汝州屬 縣四

卷四

人物附

按學堂所用教科諸書皆以簡便為宗旨小學地理一門先之以本邑次之以本省近訪坊間尚無此專書亦憾事也茲就方輿紀要所載河南輿地擇其大凡間採他說未附人物彙為一編亦有以便初學云爾舛謬之處望識者正之時


光緒三十二年秋七月古鄴留香書屋主人識

目次

二

# 河南全省地圖


卷一



山西界

每方百里

卷一




右圖中省會之處以回府以直隸州以散州以廳以

縣以

二

三



河南全省地理擇要卷二

沿革

禹貢曰荆河惟豫州荆荆山在湖廣襄陽府周禮職方河南曰豫州豫州在九州之中言秉中和之

氣性理安舒故春秋時為周畿邑又為宋鄭衛諸國地亦兼秦楚之疆云豫也性首生

國時為韓魏列國地自河以北則趙境也秦并天下置三川潁川南陽等

郡漢武置十三州此亦為豫州而半屬於司隸今河南府及懷慶府輝州

後漢司隸改治洛陽而別置豫州於譙郡今江西南昌府魏因之晉亦分置司

州及豫州司州仍治洛陽豫州治項今開封府陳州項城縣而河北則屬冀州永嘉以後中原蕪沒劉宋置

豫州於汝南司州於義陽後復失之隋末為李密王世充等所據唐分

道此為河南道開元中為都畿治東都今河南府河南治陳留郡今開封府及河北道治魏郡今

卷二

北直大名府河宋都汴置京東京西及河北路河北路仍治大名元豐中又分京

東東西京西南北等路金為汴京路又改曰南京亦分屬河北河東等路

懷州屬河東南路元置河南江北行中書省而河北為腹內地明為河南

省而藩封衛所參列其間今仍為河南省領府九直隸州四州六縣九

六

疆域

開封府為省會在京師西南一千五百四十里東西距一千一百二十

里南北距一千二百九十里東界江蘇碭山西界陝西潼關南界湖北

安北界直隸成安東南界安徽潁州西南界湖北襄陽東北界山東曹縣

西北界山西遼州

形勢

河南居天下中咽喉九州闢域中華唐賈至虎牢關銘鎖天中區控地四鄙唐呂

銘居南北要區縣亘萬餘里東連齊楚自歸德府東界接山東之兗西阻

函谷自新安而至潼關殆四百里重岡疊阜連綿不絕終日走破中無方

百二重南據淮淮水出南陽府桐柏縣東南一里之北逾河漳黃河自河

關也桐柏山信陽光州俱在淮水之南南府陝州

閩神縣入境接蒲津潼關界至歸德府虞城夏邑縣出境接徐兗界漳水

自彰德府涉縣入境接山西潞安府界至臨漳縣出境接直隸廣平府界

境內之地皆又曰河南古所稱四戰之地當取天下之日河南在所必爭及天下既定

而守在河南則岌岌焉有必亡之勢然則河南固不可守乎曰非也自古

及今河南之禍中於關中者十之七中於河北者十之九守關中守河北

卷二

二

乃所以守河南也又曰以河南之全勢較之則宛不如洛洛不如鄴鄴倚

太行阻漳溢夏商時固有都其地者戰國之世趙用此以拒秦秦亦由此

以并趙迨其後入於曹操遂能雄長中原并於慕容僑從而兼有山東歸

於高歡因而盜竊魏柯尉遲迥據之以問罪楊堅則遠近震動魏博以相

州為捍蔽終唐之世常雄於河朔而謂非形勢所在乎

山川

其名山則有嵩高 嵩高即嵩山在河南府登封縣北十里五嶽之中嶽

也羣雨間之秀居四方之中隆然特起形方氣厚故曰嵩高禹貢所云

外方也名山記山高二十里周百三十里中為峻極峯東曰太室西曰

少室高八百六十丈方十里其回環蓋有三十六峯

之巖皆山下各有石室也

太行 太行山一名五行山亦曰王母山又名女媧山在懷慶府城北二

十里接山西澤州南界羊腸險道在焉又太行近鄴亦謂之西山太行

首始河內北至幽州凡百嶺諸山皆因地立名實一太行也連亘十三州之界有八陁

連山中山第一軹關陁在濟源縣第二太行陁在河內縣第三百陁在輝縣第四滏口

斷為陁第五井陘在直隸藁鹿縣第六飛狐陁在山西蔚州第七蒲陰陁在直隸易州第

八軍都陁在直隸昌平州太行為天下脊固非止一方之險要已也

三嶠 三嶠山亦曰二嶠在今河南府永寧縣北六十里或謂之嶠澗或

謂之澗隘或謂之嶠塞左傳嶠有二陵南陵夏后皋之墓北陵文王之

所避風雨也水經注嶠有盤嶠石嶠千嶠之山是謂三嶠所謂嶠有二陵則

石嶠之山也元和志自東嶠至西嶠長三十五里東嶠長阪數里峻卓

卷二 三

絕澗車不得方軌西嶠純是石阪十二里險不異東嶠此二嶠皆在秦

關之東漢關之西指函谷新舊關而言今自新安以西歷澗池硤石陝州靈寶關

鄉而至於潼關凡四百八十里其地皆河流窮岸巍峯插天絕谷深委

峻阪紆迴嶠函之險實甲於天下矣

底柱 底柱山亦曰三門山在今河南臨潁陝州城東南十里山西平陸縣

東南五十里大河中禹貢導河至於底柱是也禹治洪水山陵當水者

鑿之破山以通河河水分流包山而過山見水中若柱然故曰底柱然

河水至此分為三派流出其間故亦謂之三門蓋黃河在山陝之間龍

門為險而在晉豫之交底柱為阨也

其大川則有大河 河南境內之川莫大於河而境內之險亦莫重於河

境內之患亦莫甚於河蓋自東而西橫亘幾千五百里其間可渡處約以數十計而西有陝津中有河陽東有延津自三代以來未有百年無事者也至鞏洛以東河流屢變北端於周渡湮於漢橫濱於宋自宋至今安流不可得而數見矣今出潼關以東歷閿鄉靈寶陝州之北又東經澠池新安縣北過河南府北邙山下歷孟津鞏縣北與懷慶府濟源孟縣溫縣武陟縣分界又東歷沁水河陰滎陽滎澤原武中牟而經開封府北與河北獲嘉新鄉及陽武封邱分界又東歷睢州考城及歸德府北又東歷虞城夏邑縣北而與山東江南接界焉

淮水 淮水自南陽府桐柏縣流經信陽州北又東歷羅山縣北碓山縣南又東流經息縣南及光山光州固始北而入江南潁州界其地居淮

卷二

南上游自古爭淮南者必爭淮西爭淮西必爭於義陽建安之間蓋南北襟要憑焉不特一面之險也

汴水 汴水卽禹貢之澠水春秋時謂之邲水秦漢間謂之鴻溝大河之支分也故道自河陰縣東北十里廣武澗中東南流過陽武中牟縣界至開封府城南東流過陳留杞縣北又東過睢州北考城縣南寧陵縣北而東經歸德府城南宋時東南之漕大都繇汴以達於畿邑故汴河之經理爲詳南遷以後故都離黍江淮漕運自是不資於汴於是汴河日就湮廢明洪武六年浚開封漕河卽汴河也既而中格自是河流橫決陵谷倒置汴水之流不絕如線自中牟以東斷續幾不可問矣

洛水 洛水出陝西西安府商州南六十里之冢嶺山經洛南縣東北流

入河南盧氏縣西南境又東北經永寧縣宜陽縣南而入洛陽西南境  
又東則澗水流入焉澗水出澗池縣東北二十三里之白石山東流合  
穀水遂兼有穀水之稱引而東又折而南入於洛洛水又東經故洛陽  
城南而灑水入焉灑水出洛陽縣西北五十里之穀城山東流至洛陽  
故城西而南流入洛洛水自洛陽故城南又東至偃師縣西而伊水入  
焉伊水出盧氏縣東百六十里嵩山東北流歷嵩縣南經汝州伊陽  
縣西又東北至偃師縣西而入洛洛水東北流至鞏縣北入於河禹貢  
所謂導洛自熊耳東北會於澗灑又東會於伊又東北入於河是也  
潁水 潁水源出河南府登封縣東二十五里陽乾山流經開封府禹州  
北入許州界經襄城縣北亦謂之渚河又至鹿邑縣南境而合於沙河  
潁水合蔡亦有沙河之稱明洪武八年大河南決挾潁以入淮而蔡河  
之流漸絕三十年河復南決擁蔡水入陳州正統以後大河決塞不一  
潁蔡諸流盡失故道其可辨者無幾矣

汝水 汝水出汝州魯山縣西南七十里大孟山東北流出縣北經伊陽  
縣及汝州之南又東南經寶豐縣及郟縣南而入南陽府裕州界經葉  
縣北又東入開封府許州之襄城郟城縣南而入汝寧府西平縣自縣  
北東南流經上蔡縣西至汝陽縣北又東經新蔡縣西息縣北至江南  
潁州南而注於淮宋劉敞曰汝水南達淮北距潁懸瓠之險爲南北必  
爭之處今大河屢經決塞汝水亦非復故流也

其重險則有虎牢 虎牢關在開封府鄭州汜水縣西二里一名成皋關亦名古峭關其地古東虢國鄭爲制邑又爲北制晉楚之霸也爭鄭秦之并六國也始於韓以虎牢成皋之險也今自滎陽而東皆坦夷西入汜水縣境地漸高城中突起一山如萬劍圍出西郭則亂嶺糾紛一道紆迴其間斷而復續使一夫荷戈而立百人自廢信乎爲洛陽之門戶矣唐賈至虎牢關銘曰漢祖守之以臨山東坐清三齊疆楚踣躄而不進太宗據之以拒河朔克擒醜虜僞鄭祖縛而請命又呂溫銘曰鎖天中區控地四鄙此亦可以見虎牢之大略矣

龜阨 龜阨塞在汝寧府信陽州東南九十里亦曰冥阨亦曰龜塞又謂之平靖關其地有大小石門鑿山通道實爲險阨呂氏春秋天下九塞

卷二

六

其阨其一自魏晉以後郟阨之地常爲南北重鎮所謂義陽有三關之塞也三關者一曰平靖關卽左傳之冥阨也其關因山爲障不營濠隍故以平靖爲名一曰武陽關亦名漣山關在信陽州東南一百五十里一曰黃峴關亦名百鴈關又謂之九里關在信陽州南九十里義陽城與三關勢如首尾唐之中葉淮西屢叛亦以三關諸險在其境內恃其強固也宋南渡以後三關防維單弱故壽春合肥往往多事蓋欲保淮西必守義陽守義陽則三關之備不容不重矣

三鷓 三鷓路在今南陽府北及汝州之南一統志南陽府北七十里有一路東北帶西而行者爲三鷓路中有石山鯉魚山拓禽山卽行人來往趣西洛之便路也自南陽府北六十里之故向城又北有石川路卽

三鷓之第一府北七十里分水嶺而北卽三鷓之第二由故向城而北  
又八十里有魯陽關入魯山縣界卽三鷓之第三舊時鄧汝二州與魯  
陽關分界荆豫逕途斯爲險要張景陽詩朝登魯陽關峽路峭且深者  
也昔韋孝寬陳伐齊之策一云廣州義旅廣州治今魯山縣出自三鷓一云三  
鷓以北萬春以南萬春在洛陽縣廣事屯田預爲積備三鷓蓋出奇之道矣

河陽三城 河陽城在今懷慶府孟縣西南三十里古曰孟津亦曰盟津  
周武王濟師於此因謂之武濟亦曰富平津蓋天下之腰膂南北之襟  
喉也三城記河陽北城南臨大河長橋架木古稱設險南城三面臨河  
屹立水濱中澗城表裏二城南北相望黃河南派貫於三城之間每秋  
水泛溢二城皆有濡足之患而中澗屹然如故自古及今常爲天造之

卷二

七

險云

總論

長安四塞之國利於守開封四通五達之郊利於戰洛陽守不如雍戰  
不如梁而不得洛陽則雍梁無以爲重故自古號爲天下之咽喉夫據  
洛陽之險固資大梁之沃饒表裏山河提封萬井河北三郡足以指揮  
燕趙南陽汝寧足以控扼秦楚歸德足以鞭弭齊魯遮蔽東南中天下  
而立以經營四方此其遺矣然不得河北則患在肩背不得關中則患  
在襟吭自古及今無異轍也宋紹定五年蒙古攻金降人李昌國言於  
抱雷曰金遷汴將二十年其所恃以安者潼關黃河耳若出寶鷄今陝西鳳  
翔府以侵漢中不一月可達唐鄧大事濟矣抱雷從之遂自鳳翔而南

犯漢中由金州出唐都關破金人之師於鈞州今萬州元至正十九年劉  
福通據汴號召羣盜其勢甚壯察罕帖木兒既平關中河東遂圖河南  
北塞太行南守鞏洛自將中軍軍滎池敗賊軍於宜陽乃自洛陽次虎  
牢水陸俱下自將鐵騎屯杏花營在祥符縣賊窘遂拔其城此其經營措置  
一何密也從來有事河南其大略固不能過此哉

河南全省地理擇要卷三

開封府屬 州二 縣十四

開封府 禹貢豫州之域春秋為鄭地戰國為魏都秦置三川郡漢置陳留郡晉為陳留國東魏置梁州及陳留開封二郡後周改梁州為汴州隋廢陳留郡并廢州分其地入滎陽梁潁川等郡唐初置汴州後改陳留郡後復為汴州宋梁建都升東京開封府晉復郡此仍曰東京開封府宋太祖於此定都亦曰東京開封府金曰汴京廢主亮改曰南京宣宗珣遷都焉元曰南京路後改汴梁路明洪武初建北京於汴梁復曰開封府城周二十里有奇 府川原平曠水陸都會所謂天下之奧區也然形勢渙散防維為難楊時言河朔為朝廷重地而三鎮又河朔要

卷三

藩一旦棄之使敵騎疾驅貫我心腹不數日可至京城若三鎮拒於前吾以重兵躡其後尚可為也既而岳武穆亦謂國家都汴恃河北為固云蓋雖恃德不恃險而設險重閉之義亦未可略而不講也雖然蘇代有言決滎口魏無大梁魏公子無息亦曰決滎澤水灌大梁大梁必亡王氏有言汴四戰之地受敵最深梁末帝之禍甚於王假靖康之辱幾於石晉况滔天之漫近於咫尺之間言建都者其亦有鑒於往事哉

祥符縣 附郭故大梁魏都也漢曰浚儀縣屬陳留郡晉屬陳留國後魏

仍屬陳留郡東魏於此置梁州後周改汴州隋大業初州廢縣屬滎陽

郡唐仍置汴州治浚儀縣宋祥符中改今名 陳橋驛 在城東北二十

里宋太祖禪位於朱偃鎰 在城南四十五里宋紹興十年岳飛敗金人於郾城進軍朱偃鎰是也

陳留縣 在府東五十里春秋爲留地屬鄭後爲陳所并故曰陳留秦置縣隋屬宋州後屬梁郡唐初屬杞州後屬汴州五代屬開封府 陳留故城 縣北二十里鄆食其說沛公襲陳留得秦積粟處也 莘城 在縣東北或曰即國語所謂莘城也又縣南有空桑城相傳伊尹生此蓋亦因莘城而名

杞縣 在府東百里古雍國黃帝之後殷周封夏後於杞縣置雍邱縣屬陳留郡後魏置陽夏郡隋初改置杞州後州廢以縣屬梁郡唐初因之後屬汴州五代改杞縣宋仍曰雍邱金復爲杞縣 高陽城 在縣西顯項高陽氏佐少昊有功封於此

通許縣 在府東南九十里本陳留扶溝二縣地宋初置通許鎮咸平中升爲咸平縣屬開封府金改今名 上倉城 縣西八里周世宗所築爲漕運轉輸之處

卷三

尉氏縣 在府南九十里春秋鄭大夫尉氏邑秦置縣漢屬陳留郡東魏改屬開封府北齊省隋復置屬許州唐武德間改置南汴州貞觀初州廢縣屬汴州 向城 縣西南五十里左襄十一年諸侯伐鄭會於北林師於向卽此

洧川縣 在府西南百五十里春秋鄭之曲洧漢爲潁川郡唐初爲尉氏縣地宋爲宋樓鎮屬尉氏縣金始置洧川縣 朱曲 在縣東南洧水至此回曲而東因名

鄆陵縣 在府南百六十里春秋鄭邑戰國屬韓漢置鄆陵縣屬潁川郡東魏屬許昌郡北齊省入許昌縣隋置洧州唐因之貞觀初州廢縣屬許州宋改今屬 鄆陵城 故城在今縣西南四十里左隱元年鄭伯克段於鄆是也

中牟縣 在府西七十里春秋鄭邑漢置縣屬河南郡晉屬滎陽郡東魏初增置廣武郡治此後周移縣治圃田隋初郡廢改縣曰中牟屬鄭州